

حیات

میانہ رانما میانہ... دنیاہ راہا ہرور میانہ قاتالم!...

ادارہ مرکزی :

آقراہدہ ، استانبول جادہ سندہ آقراہ
معارف امینلکی پائندہ کی دائرہ

استانبول بوروسی :

استانبولہ ، باب عالی جادہ سندہ وسیلی پرشنبہ
ادارہ خانہ سی داخلندہ کی دائرہ
تلفون : ۳۶۰۷

نسخہ سی ہربرہ ۱۰ غروشدہ .

سہلکی پوستہ ایلہ ۵ لیرا .
(اجنبی مملکتلر ایچین ۵ دولار) .

اہونہ واعلان ایشلری ایچین استانبول بوروسنہ
مراجعت ایدیلیر .
یازی ایشلرینلک مرجعی آقراہ مرکزیدر .

صافی : ۵

آقراہ ، ۳۰ کانون اول ، ۱۹۲۶

۱ نجی جلد

صاحبہ

شرق ولایتلریز و کنجلمک

تورک طور پراقلرینک بالخاصہ بر قسمی وارد کرک
سنہ لرحہ متروک پراقلماسی یوزندن ہنوز وطنک
دیگر جزو لری سویہ سنہ بیلہ کلہ مشدر . بوراسی
شرق ولایتلریزدر . یاقین زمانہ قادر اورادہ
قرون وسطادن قالان درہ بکلک تشکیلاتی حکم
سورویوردی . حالا اورادہ مکتب یوزی
کورمہ مش ، تورک عرفانی کیرمہ مش قصبہ لری
وار . یولسزلق ، جہالت بورادہ غربی ووسطی
انادولیدن آیری بر نوع اجتماعی و اقتصادی
وضعیت تولیدایتدی بویوزدن ملی وحدتیزہ
اویغون اولمایان حسلرہ ، حرکتہ مساعد بر زمین
وجودہ کلدی . اورالرک اجنبی تحریکاتندہ یاقین
اولدیغنی کوز اوکنہ کتیر بر سہ کز تہلکہ نک اہمیتنی
در حال اکلارسیکنز .

بو تہلکہ لرقارشیندہ تورک کنجلمک ترتب
ایدن وظیفہ چوق بویوکر . شیمدی یہ قادر
وطنک اوزاق و ہجرا بر کوشہ سی عد ایدیلن
بویرلرہ تورک حرثی کوتورمک مجبوریتندہ یز .
بو ہم ملی ، ہم انسانی بر مکلفیتدر . ہیچ شبہ
یوق کہ تورک وطنندہ تام و حقیقی بروحدت آنجق
اورادہ کی تورک قصبہ لری عارفان کیردیکی زمان
حصولہ کلہ جکدر . بونی تأمین ایلمک بزم ایچون
بربور جدر . دیگر جہتدن مملکتک بو پارچہ سندہ
باشایان وطنداشلر قارا کلک ایچندہ قالمشلردر .
بونلری تورلو تورلو تحکمدن ، تحریکلردن
قورتارمق ، مدنیت یولندہ وطنک دیگر اقسامیلہ
برابر یورویہ جک حالہ کتیرمک دہ عینی زماندہ
اک یوکسک انسانی بر وظیفہ در .

تورک کنجلمک شیمدی یہ قادر بو ولایتلردہ
لایقیلہ چالیشاماسنک مختلف سیبیلری وار .
بر کرہ بیک غائلہ اونی بو شرفلی ایشدن
آلیقویوردی . وطنک مدافعہ سنہ قوشمقدن
تورک عرفانی یایمغہ وقت بولامامشدی .
استقلال ظفری مملکتی بو غائلہ لردن قورتاردی
شیمدی کنجلمک وظیفہ سی نہ قادر کوچ ، نہ قادر
چتین اولورسہ اولسون ، تورک وطنک اک ہجرا
کوشہ سنہ قادر عرفان ومدنیت صوفقدر .

بونک ایچون بر کرہ کنجلمک ہیجانلہ مترافق
بر علم ، عملہ مؤثر معلومات لازمدر . بوتون تدریس
مؤسسہ لریز ، معلم مکتبلری ، لیسہ لری ، دار .
الفنونیز بوغایہ ایچون چالیشمالیدرلر . بزدہ یاقین
زمانہ قادر تدریس طرزی دائما بعض معلوماتی
اوکرہ تمک شکندہ ایدی . حالبوکہ کنجلمک
ویرہ جکمز معلوماتک قیمتی اونلردہ قوتلی عمل
شعورلی حرکت تولید ایتہ سیلہ اولچولور . اگر
بریلکی سزی یکی بر طرز حرکتہ ، یکی بر
استقامتہ سوق ایلمہ یور ، پاخوداسکی قناعتلریکزی ،
توجہ ایتدیکنز استقامتی تأیید ایدہر ماہیتدہ
بولونمایورسہ اونک سزہ ہیچ بر فائدہ سی یوقدر
یاخود سزک ایچون او ، بر « حقیقت » دکلدر .
ہر نوع تدریسدن مقصد « حقیقت » لر تلقیندر .
اوحالہ تدریس ایلمہ جکمز بیلکی کنجلمک
حرکتانہ شعورلی براستقامت ویرمیدر . بونک
ایچون ہر درجہ تدریسات کنجلمک یالکیز مجرد
مفہوملر تلقینندن عبارت قالماملی ، ارادہ یہ مؤثر
وہیجانلہ مترافق اولمالی و کنجلمک اک چوق
مؤثر اولایلمہ جکمری محیط یعنی مملکت محوری
اطرافندہ جریان ایلمہ لیدر . بویلہ بر علم فعال ،
ارادہ لی کنجلمک یتیشدیرر ، بوکنجلمک محیطلری

مؤثر اولمق احتیاجنی دیوارلر . بو احتیاجک تطمین
ایچون اک کوزل ساحہ البتہ شرقی آنادولیدر .
دینہ جک کہ اورادہ خدمت بر چوق محرومیتلر
بہاسنہ اولیور . بو محرومیتلرہ تحمل کوچدر .
ایشہ اصل کنجلمک روحلری جلب ایلمہ جک سائق
بو کوچلکدر . مفکورہ ، اوزون جداللہ تحقق
ایدہ بیلمہ جک فکرلردر . بویلہ اولدینی ایچوندر کہ
تحقق ایلدیکی زمان اک بویوک ذوق ونشہ یی ویرر .
محرومیت و کوچلک قارشیندہ وظیفہ یہ لندن
قاجانلر حیاتک حقیقی معناسی ، سعادت آکلا .
مایانلردر . بر قسم انسانلر سعادت سی سادہ جہ کلوب
کچیجی حظدہ وسلون ایچندہ آرارلر . بونلر
انسانی حیاتی وسعادتک معناسی بیلیمہ یتلردر .
حقیقی سعادت طبیعتہ وجعیتہ مؤثر اولدیغمز ،
انسانی بر ابداع وجودہ کتیردیکنز زمانلردہ
حسن اولونور . بوکی حالردہ دویدیغمز سادہ جہ
حظ plaisir دکل ، سرور Joie در . بیلیملی یزکہ مادی
حظلر موقدرلر . اصل انسان اک بویوک سعادت
سرور دہ حسن ایدر . سرور عضویتہ دہا آز
مربوط اولدینی ایچون حظدن دہا سورہ کلی ،
دہا غیر فانیدر . یکی بر اثر ابداع ایلمہ یز ، طبیعت
وجعیت اوزرینہ مؤثر اولان انسانلرک روحلرنہ
دویدقلری امثالسز ذوقلردر کہ سعادت وجودہ
کتیرر . حیاتک حقیقی غایہ سی بونوع سرورلری
دویمقدر . کنجلمک ارادقلری « سعادت » دہ
بو اولمالیدر . چوق یازیق کہ بر طاقم انسانلر بو
نشہ یی بیلیمہ دکلری ایچون سعادت سی مادی حظلردہ
کورویورلر ، اطرافندہ کی انسانلری دہ یالکیز
بونک آرقاسندہ قوشمغہ دعوت ایدیورلر .
حالبوکہ بو نوع حظلرلہ حقیقی انسان روحی
تطمین اولوناماز . تورک معلملری کنجلمک سعادت

پیشرو ، سمعی ، سمعی ، کار و نقش . . . شکلریز ، عود ، قانون ، کنجه ، فی . . . کبی سازلریزله یاشادیغیز حیات موسیقی ؛ وسطائی بر حیاتله مدنی بر حیاتک افاده سیدر .

غربله شرق آیران بومعظم فرقک درین واوزون اسباب اجتماعی سی واردر . اونی اجتماعیلری ایضاح ایتلردر . زمین مساعد ایلادیغدن اونلری بوراده تکرار ایدمه یه جکیز .

تنظیماتیلر هرایکی مدنیت آراسنده ، هر ساحه ده موجود اولان بواجورومی کوردیلر ، او تاریخن بری آرقه مزنی شرقه دوش و غربه توجه ایتش بولنیورز . آقصای شرق مدنیتدن اسلام مدنیتنه نصل مدنی و حیاتی بر احتیاجله کیردیه ک اسلام مدنیتدن غرب مدنیتنه دخی عینی احتیاجله کچدک ، وکیورز . فقط مدنیت تبدیللرنده یکی مدنیتدن آله حق و تمیل اولونه حق بر جوق عنصرلر واردر :

مثبت علملر ، اصوللر ، تهکنیکلر . . . بوجله دندر . صنعتکده بر (تهکنیک) قسی واردر ، دیگر فنیات کبی اوده عینی زمره مدنیتده یاشایان انسانلرده مشترکدر . واسطه اولق اعتباریلر اونک جهت ومذهبی یوقدر . (مدنیت بین المللدر . وملیت مدنیتده دکل حرثده در) . خصوصیت شکلده دکل اساسده ورو حده در . موسیقیده ایسه اورینالیتیه خلقدور خلق سنده در . انادولی او سسک باکر ودولفون متعیدر . عصرلرک سیلیندری آلتنده اجنبی تأثیرلردن آزاده قالش اولان بوسس ، بزم اوز سسزدر . موسیقی تهکنیکی ایسته بو اوز سسی ترنم ایدم جکدر . خلقک سسی ، موتیفلر و (تم) لر حالنده بو بوک فورملرده اساس اوله جکدر . غرب تهکنیکله ترنم اولوناجق خلق سیله ، شرق موسیقینک کندی قادروسی داخنده کی مستقل تکاملی آیری آیری شیلردر . بونلری بر برندن آیرمق لازمدر . سیستم تونال فرقی ، چه یرک سسلرله شرق موسیقینک تکاملی ایستر ممکن ایستر محال اولسون ، بو طرفده یاپیله حق ایشلر واردر . غرب تهکنیکنی اله ایتش (ده) صاحبی ، ملت ومملکت عشقنی طاشیبان ، کندی موسیقینک تهکنیکنه دخی واقف اولماسی ایجاب ایدن صنعتکار ، خلقله خلق سیله یوغورولاجق والهامنی کندی صنعتکار لسانیه ترنم ایدم جکدر . ملی اثر ، آنجق بو تحریت وتهذیب شرائطیه میدانه کله جکدر . بوهر برده بویله اولشدر . روس تهقولنک مبدعی (غلیتقا) ونوروجلی (غریغ) آلمانیا ده تحصیل ایتشلر و صوکر ا مملکتلرینه دونه رک خلق ذوقلرینه ایرمشلر و آنجق بوضورتله کندی ملتلرینک روحلرینی ترنم ایدم یلملردر . بوهر شعبه صنعتده بویله اولشدر . (غوته ، شکسیر . .) کی رومانیکلردخی هم اسکی یونان - لاتین تهکنیکلرینی تمیل ایتشلر و هم خاق ذوقی آملردر .

غرب تهسته نیکنه ایرن تورک صنعتکاری دخی بویله حرکت ایدم جکدر .

(سن سانس) و (بورغوله دو قودره ی) ک

آرزولری ، آنامونیزم وفوتوریزم جریانلری تحقق ایدم دورسون ، هیچ بروضیت یکرمنجی عصر تورکیاسنی ، عصرک قدرتی تهکنیکندن مستغنی قیلاماز . (بزم چه یرک سسلریز غربده یوقدر . بکله یلم برکون غرب بزمه کله جکدر) بو ، مملکته خیانتدر . اوت غرب فرط تکاملله بوکون فتور و بی تاب ایچنده در . یکی عنصرلر ، یکی افاده واسطه لری تحریری پشنده آوروپا حاللی بر فعالیت ایچنده در . فقط (تهکنیک) آتیش و صنعت دوروش دکدر . اوبالکس بو ن قدرت وعظمت افاده سیله یاشامقده وتکامله بورومکده در . المزی قوازی باغلا یوب بکله یه جک دکاز . تورک دهاسنک اوز سسده یاپه حق ابشی پک یوقدر . وبوکا هیچ برشی مانع دکدر . خلقک سسی چه یرک سدن آزاده در . اونه طرفی (ده) آرتق قولایجه حل ایدر . غام بارتونی توللانان بوکونکی قوموزیسیون تورکک اوز سسی سینه سته آلفده دوچار مشکلات اولماز . الیوررکه قولاق او سسده مکنوز اولان آهنگی دویابیلین .

ملی موسیقی بی بوکون مشترک تهکنیکله ترنم اولونان خلق اورینالیتیه سی شکنده قبول ایدن و قوللانان بر جوق تهقوللر واردر : روسلر ، اسقاندینلر ، مجارلر ، اسپانیولر ، بالفان ، ملتری بو جله دندرلر . بزمه اویله یاپاجیز .

بور اجتهاددر . و بز او اجتهادی ، تاریخ ، اجتماعیات ، تهسته نیک . . . کبی علملردن آلیورز . برنسییدن فداکارلق ایتک ایچون غرب دنیا سنک و علمک یوق اولماسی لازمدر . هیچ بروضیت بزی غرب صنعتندن مستغنی قیلاماز . اونی آکلامغه ، تمیل ایتک و او واسطه ایله اورینالیتیه مزنی ترنم ایتک مجبورز . بوجبوریت واحتیاجی حس ایتم بوب حیاتک طبیعی تهقولانی اوکنه کچه رک (کری به : بزم چه یرک سسلریز واردر) دیه اونی دور دورمغه ودوندورمکه چالیشمق جنتدن باشقه برشی دکدر . (غربک چه یرک سسی یوقدر بز اوکا کیتمکه مجبور دکاز ، اوبزه کلیدر .) بو فکرک زهردن فرقی یوقدر . ییلانلر ، آرتق زهرلی دیلرینی طوعیلدرلر . (فزیکو - ماته ماتیک) برنسیلرله ، غرب تهکنیکی (ده نامپره) ایدیه دورسون بو کونکی تهکنیکله یاپیله حق معظم ایشلر واردر . اونلری انکار ایتک جهالت ، غفلت ومملکته اهانتدر .

صنعتکار نرده سیک ؟ آرتق کل ! بو ازلی دعوانی آنجق (اثر) ک حل ایدم جکدر .

فیلل بریع



استقلال مجادله سی خاطرهلری

[استقلال حربی تورک ملتک وبلکده بونون شرقک حیاتنده عظیم برتعولک باشلانغیچیدر . بوحریه عائد وثیفهلری طوبیلاقی ونشر ایتک بزم نسل ایچین هم بویوک بروظیفه همده تولید ایدم جکلری الهامکار تحسسلر اعتباریلر فیضلی بر تلذذدر . بوحریده ایفا ایتدیکی بویوک وقیستلی خدمتلر هرکسه معلوم اولان مصطفی نجابی ک افندی اوزمانکی انطباعلرینی تثبیت ایتشدر . لطفاً مجموعه مزه اهدا ایتدکلری ملی هیخانکک زیاده قاینادیفی اوعزیز کونلره عالم بویازیلری صیراسیله درج ایدم جکیز .]

مجموعه

اصیل روملر

۳

— علی چاوش —

بو اسکی جنکار قهرمانی ، بوطلسملی تورک دیارینک قوچ بیکیتمی پک اختیار ایکن کوردم . کچمش قهر وفلاکت ایزلریله دولو فرسز کوزلرنده اسرارلی بر ظلمت واردر . آیدینلغه وداع ایتککه حاضر لانا ن نظرلرینی ظلمت صارمش ، حسرتلرک چوقور لاشدیردینی بر هاله ایچنده اوبوقلایان کوزلری خارجدن زیاده درونه باقان معنالی بر شکل آلمشدی .

بر کیک چرچیوه منظره سنی آ کدیران کوکسنده حالا غرور وقهرمانلق کوستریشی واردر . دینچ و دیری بیلکلری بر شاهین پنجه سی کی قیوریق وقوتلی الار طاشبوردری . سکان سنه کک حیاتی اوموزلرنده طاشیان بو بورغون اختیار ، تارلا سندن دونن برکنج کی ، حالا دیک وقدرتی ایدی . سسی ، هر مرد آناتولی چوجوغنک کسکین و آمراداسی کی پوروزسز وطانلی ایدی . ییشلی کوینده ، شهید اولمش یا ورولرینک چوجوقلری آره سنده کچیردیک حیاتک منقبه لرینی آکلاتیرکن طانیدیم اختیارک سوزلرنده تاریخن بر پارچه ، قهرمانلقدن بر اثر واردری . کوزلرینک اوکنده دیریلن جنک صفحاتی خیالزده جانلاندیرمق ایچین بر خطیب کی اللریخی اوزاتیور ، بعضاً بر قوماندان شدت وعظمتیه ، بعضاً مونس بر آنه شفقتیه کله لر دوداقلرنده ، زمان زمان ، سرت وبوموشاق بر شکل افاده آلیوردری . بو جانلی تاریخ بییق بر کوی ایچنده ، بر آنتیقه گبی ، توزطوپراق آلتنده ایدی . مدور چهره سنی چرچیوه لیلن بیاض صفالیله ، خنجر گبی بر نقطه یه دیکلن اوزون باقیشیه ، دیک اندامی ، یوکسک سیسیه بو اختیار ، آناتولونک اورتاسنده تاریخی بر ستون ، بر شرف هیکل کی یاشابوردری . ثوله بن امید هر یکی فلاکت قارشیشنده تازه قوتلر بولیور وثوله یه جک ملتک لایوت بر خاطره سی کی دائماً دیک ، دائماً مغرور حکایه لرینی اوغوللرینه ، کویلولرینه اک مأیوس وفلاکتلی کونلرده بررسوره کی یشدیریبوردری . قلبنده کی صارصیلامایان ایمان ، ظفرلردن ظفرلره قوشان بایراغنک آلتنده هر وقت حاکم وافندی قالمق ایمانیدی . سهارلی دوله دوران هلاک آلتنده آناتولی اوکا دار و اوافق کلیوردری . بویوک دکیزلرک اطرافنی قوجاقلادینی ، بویوک داغلرک حدودلرینی

ساردینی ، ایچنده کورولتولو نهرلرک آقیدنی بر
تولکه ایسته بوردی . اوبله بر تولکه که بر اوجندن بر
اوجنه قادار هپ کندی دینده کی انسانلری طاشیسن ،
نهایتی کله یین کوموش اگرلی سواریلر آتلیخی
مهموزلایه رق ، سونکولرینک ضیاسنی کونشدن
طوبلایان اوردولر بورولری تودوره رک گچسین و او ،
بو مظفر اوردولرک تأمین ابتدکی سکون ایچنده صوک
کونلری مـترـیح و مسعود یاشاسین . . . او ، بوقادار
قهر و فلا کندن صوکرا سعادتی ، رفاهی بر حق تلقی
ایدیور و قیشدن صوکره بهار محقق دیوردی .

کندیسنک بیلله کورمه دیکی او مخیل سعادتنک
نشئسیله طورونلرینک یأسنی بوغان بو اختیارک ، یاربی ،
نه قدرتی ، نه ایمانی برقلی واردی . سکسان سنه لک
عمرنده بلکه بر کون بیلله کورمه یین ، حتی بلکه ده
بیله یزی و بارلاق بر کیجه سی اولایان اختیارک بو
عظمتلی وجوشقون شوق و ایمانی ، کیم بیله ، هانکی
مقدس منعندن کلپوردی .

بو بوک بر ناصه پوره کنی صیرلاتیرکن او ،
تسلی فیصله دایان بر بلبل کی شاقراقدی . کدری
نشئ ایلله تولدورمه که چالیشیرکن بو بوک بحرانیله قاپاران
کوکسی کیل قفسلر آلتنده شیشور ، خسته بر ادا
ایلله دوداقلرندن دوکولن قهقهه یاسلر طاشیوردی .
بو کوچوک کویده هر شی اولان بو اختیارک اطرافنه
کنج قادینلر ، کوربه چوجوقلر طوبلانیور و هر
درد اونلرک دوداقلرندن اختیارک قلبنه دوکولدکن
صوکره براق و صاف بر نشئه حالنده اطرافنده کیلرک
قلبنه آقیوردی . بو تون دردلی کندیس آلیور
و بو تون نشئسنی اطرافنه داغتیوردی .

کونینک حاکمی ، والیسی ، خوجاسی وایدی .
اوکا سورمادن کویده برشی اولمازدی . حربه کیدنه
کنج چوجوقلر اونلک الی توپر ، یارالی دونن عسکرلر
اولا اوکا اوغرار ، شهید عسکرلرک کاغدلری اونلک
آلبله آنالره ، بابالره ، قارده شلره و بریلر ، دوکونلرده
باش طرفده قوماندانلر ، مولودلرده امامک یانه
اوطوروردی . بو کوبه و بریله جک الک دوغرو اسم
« علی چاووش » اولوردی .

هر بو بوکلی حرمتله قارشیلایان کوبولر کی
بنده علی چاووشک الی حرمتله توپدم . اوجرا
کویده هرکک سودیکی چاووشک اصل روحنده کی
حیاتی اوکرنگ ایسته دم . ایجه سندده یالواران بر ادا
واردی . قلبنده صاقلادینی الی ، تولونجه به قادار
کیسه به آچامغه عهد اتمش کی سؤاله قارشی :

— بک ، دیدی ، نه که کرک ؟
بوسنده بر اعتماد سزلی دو بولویوردی . درینلشن
کوزلریله ، کوزلرمدن برشی اوقومق ایسته بور کی ،
اوزون اوزون باقدی و یالکیز قالدقندن صوکره
بر شیلر آکلاته جغنی افهام ایدنه بر طورله :

— هله بر بول دیکلن !
دیدی . قهوه لر کلپور ، آیرانلر طاشینیوردی .
علی چاووش حربدن ، ملت پاشاسندن و پادشاهدن
خبرلر ایسته بوردی . جبهه یی ، ملنک پاشاسنی آکلادیم .
پادشاهک انکیزلره صائیلدیغنی ، یونانلیلره برابر
انکیزلرک امریله حرکت ایدنه بر او یونجاق اولدیغنی
سویله دم ، فنالفرینی صایدم . صوغوق بر سسله :

— کبرسین ...

دیدی ، سونوک کوزلرنده آتشلر جاقغه ،
مونس یوزنده چاتیلان قاشلرله قاتلاشمش آلتندن
کین و نفرت آقغه باشلادی :

— حقلیسک ، بک ... دیدی . یا کاوور ناصل ؟
اوکا جبهه یی تکرر ، اوزون اوزون آکلادیم .
بیکلرجه - سوارینک شاخلانان آتزیله صحرالرک دولدوغنی ،
طویلرک ناملولری اطرافنده بیکلرجه عسکریمزک آتسه
حاضرلاندیغنی ، یوز بیکلرجه سونکونک دوشمانه
آتیلحق ایچین امر بکلدیکنی سویله دم . علی چاووش
دوشوندی و صورمق ایسته دیکی برشی وارمش کی
کوزلریله اطرافنی آرادی .

اوکا ملت مجلدندن ، باش قومانداندن بحث
ایتدم . کوزلرندن سونج یاشی آقیوردی . بکا
بوییل هر فلا کتنک توله جکنی ، بر سعادت بیلی
اولاجغنی سویله دی . بیلیم هانکی خوجا افتیدن ،
هانکی شیخن ایشیتمشدی . افاده سندده قطعی بر
حکم واردی . بنی بو ایشیتدکلرینه اقناع ایچون

تونهل

ای داها دورت آی اول حسرتلی یولجولره ،
بوز کی قاینالردن طاشان جوشقون صولره
« کچیدورمه م ! دیه دیک باشنی صالایان داغ !

ایشته بکله دیکک ده و صولویاروق یاقلاشدی ؛
یاماجک آرقاسندن سیاه صاچلری طاشدی ...
اشکنجه به حاضر اول ، اشکنجه به دایان داغ !

چینلایان تیزسیله ، دمیردن آتکیله ؛
پاصلی بر کونش قدر قورقونج تکرلکیله
ایشته اوده و ایچیکدن ظلمتی سوردی کچدی .

آج قارتال سسلرینی بلبل دیه دیکلرینه ،
شوطاشدن زنجیرلرک قسوتیله ایکله یه
ظالم قلبکه « تو ! تو ! » دیه تو کوردی کچدی ...

عمر به مرالربمه

چالیشدی و صوکره بو سنه مملکته قاوو اجغنی
بو بوک بر قناعتله سویله دی :

— مملکته کیدرسه ک بدن سلام کوتور !
صوکره علاوه ایتدی :

— کلیرسم مسافر ایدرمیسک ؟
یاواشجه مملکتی سوردی ، « ایزمیرلیم ! »
دیدم . ایزمیرلی اولدیغنی ایشیتنجه علی چاووشک
روحنده کی اعتماد سزلی بردن بره سیلندی :
— بک ، دیدی ، ایزمیر آنا طولینک کلیدیدر .
بکا آنالرم بویله سویلردی ... بوییل کاوودن
قورتولاجی . ازمیره ، سکا کله جکم !

آرتق چاووشله دوست اولشدق . بکا کونیندن
عائله سندن بحث ایتدی . صوکره آنا وودعصباننده
شهید اولان چوجوغنک منقبه سندن باشلادی .
اوتوز بر مارتده شهید دوشن دیکر اولادینی سویله دی .
برسنی ده چناق قلعه ده براقیق دییوردی . ایکسینک ده
ساقارباده شهیدلک خبرلری آلدیغنی آکلادی .
کوز بیکارنده ایکی داملا یاش طویلانمش ، بویغمبر
روحلی اختیار چاووشک ... سی بردعا کی ایجه لشدی .
یوقونارک صوک سوزینی فیصله دادی ، آرتق آغلا یوردی :

— صوک اوغلومک شهادتی ایلله طورونمککنی
چوجوقلردن صاقلایورم ، دیه ایکلیدی ، هر کون
بو چوجوق و آنا قلبلرینک حسرتنه ، جبهه ده کی
صوک ایکی قرباندن برشی دولدورمق لازم . کوزلرمک
اوکنده دولاشان بوقادینلرک و توکوزلرک منظره سی ،
کولدیکم زمان بیلله ، ایچی یاقیور . کولدیکم زمان
بیلله عذابی حس ایتدیره جکم دیه تیزه یورم .
فقط بو عذابی آکلایانلرده یوق دکل بکا
امانه الله اولان بو چوجوقلرک ، بو طوللرک رزقی
قازانقی ، اونلره حیات و امید و برمک ایچین چکدیکم
دردلری کیزلهمکه مجبورم . اونلرک اوکنه هر کون
بر قاب بک قویدیم ایچین الله شکر ایدیورم .
یا بونلر تولوم خبرنی الیرسه ، یا بومعصوم کوزلری
یاشلر قایلارسه دیه چکدیکم عذابدن ده درین بر
قورقوبه دوشویورم . بو قورقو ، بکا چوق زمان
اضطرابی بیلله اونوتدورویور ... حتی ، کندی ،
کندی ، بعضاً « نه در ، بو تو زونتو ؟ شهید اوغلو ،
شهید قاریسی اولق بختیارلق دکلکی ؟ .. نه دن اولان
یتلری شونلره آکلایایم ؟ .. دیورم ، سن
بوکا نه درسک ، اولاد ؟

کندیسی براز تسلی ایتدم ، و :

— سویله ، دیدم ، فقط بو کون دکل ...
یارش محقق اولان طغردن صوکره اونلرده
آکلاسیلرکه بو طغرده دوکولن قانلرک ایچنده
کندیلرندن ده قانیلمش بر قاق آووچ وار .

علی چاووش آریلیرکن :

— طغردن صوکره سویلیم ، دکلکی ؟
ظفر مرده سی کی ...

دیهه هایقیریوردی . حالا بیاض صاقلی و
بارلاق آلتیله کوزلریمی آیدینلاتان علی چاووشه بدن
بیک سلام و حرمت ...

۲۳ ، حزیران ۱۳۳۸ قسطنطنی

مصطفی بکالی

